

Жазоирлик қария 75 ёшида қория бўлди



11:00 / 07.07.2021 1448

Жазоирнинг Сатиф шаҳрида истиқомат қилувчи 75 ёшли Хаси Мелиса Хува Қуръони Каримни тўлиқ ёд олиб, мураттаб қория бўлди. Бу ҳақда «эл шурук» нашри хабар берди.

Қария Мелиса Сатиф шаҳридаги «Эл Сабтин» масжидига бориб, Қуръон муаллимидан унга Қуръони Каримни ўқитишни илтимос қилди. Муаллим дастлаб, қария Қуръонни тўлиқ ёд ололмаслигини билсада, бироқ кампирнинг қатъиятлилигини кўриб, унга мусҳафдан ўргатишни бошлади.

«Эл Сабтин» масжиди Қуръон ўқитувчиси Мусо ибн Идирнинг айтишича, аёлнинг кучли иродаси уни қарийб 13 йиллик тажрибадан ўтишга ундаган. Мактуб ёзиш, сўнгра сўз бойлигини ўргатиш билан бошланган ушбу машғулот Қуръон ўқиш билан давом этди.

Гарчи бу жазоирлик кампирнинг кўриш қобилиятида муаммоси бўлган бўлса-да, у ўзининг кучли иродаси билан барча тўсиқларни енгиб ўтди ва Аллоҳнинг каломини ўқийдиганлардан бирига айланди. У Қуръондан яхшироқ нарса йўқлигини айтади.

Жазоирнинг Сатиф шаҳридаги маданият ва санъат вазирининг ўринбосари 75 ёшли Хаси Мелисани улкан муваффақияти учун фахрий ёрлиқ билан тақдирлади.

